

# FORUM ONG TIMOR LESTE THE TIMOR LESTE NGO FORUM



Rua do Mercado Municipal, Dili Timor-Leste/ Mobile Phone +670 77999304/ 77236782/ [forumong.tl@gmail.com](mailto:forumong.tl@gmail.com), [joao.fongtil@gmail.com](mailto:joao.fongtil@gmail.com)/ <https://fongtil.org.tl>

## Relatóriu Monitorizasaun Vasina

### Semanál Dalasanuluresin rua husi dia 6-9 Setembru 2021

#### 1. Introdusaun

Forum ONG Timor-Leste (FONGTIL) kontinua halo advokasia liu husi enkoraja membru ONG sira hodi kontinua halo monitorizasaun ba vasina iha territóriu tomak atu aseguara iha kualidade, efikásia no inklusivu ba retroasaun prestasaun servisu no aseguara komunidadade ninia direitu hodi asesu ba informasaun, hasa'e taxa partisipasaun vasina hanesan meius ida hodi kontribui ba prevensaun COVID-19 iha Timor-Leste. Dadus sira ne'e rekolla liu husi ONG sira ne'ebé halo vizita direta ba fatin vasinasaun hodi hare no analiza situasaun atuál ne'ebé akontese durante no depois vasinasaun nomós atendentu husi pesoál saúde atu aseguara responde objetivu vasinasaun nian.

Atu responde prosesu vasinasaun la'o ho kualidade no taxa partisipasaun komunidadade másimu, FONGTIL kria ona matadalan hanesan: pontuasaun 1. La di'ak, 2. Ladún/natoon no 3. di'ak/di'ak liu), atu nune'e kada semana ita bele hatene mudansa signifkante no problema ne'ebé hasoru hodi hadi'a ba futuru.

No	Pergunta sira
1.	Oinsá esforsu hodi hasa'e konsiénsia komunidadade nian kona-ba importánsia simu vasina?
2.	Oinsá prosesu atendentu pesoál saúde iha fasilidade saúde sira?
3.	Oinsá preparasaun lojistiku no ai-moruk vasina nian iha fasilidade saúde, suficiente?
4.	Oinsá ho apoia husi lider komunitária sira ou parte relevante sira hodi hasa'e taxa partisipasaun iha vasina?
5.	Oinsá taxa partisipasaun komunidadade nian iha vasinasaun?
6.	Oinsá perspetiva komunidadade, ou parte relevante sira kona-ba vasina iha fatin ne'e?
7.	Husi monitorizasaun sira mak halo ona iha tempu sira liu ba oinsá ho ninia progresu?

Nune'e iha loron 07 to'o 09 Setembru 2021, membru Forum ONG Timor-Leste (FONGTIL) hamutuk 12 maka halo ona monitorizasaun iha munisipiu Lautem, Aileu, Bobonaro, Ermera, Baucau, Viqueque, Manatuto, Dili, Liquiçá no Covalima ne'ebé kobre fasilidade saúde ou sentru saúde 24 ho nia Detallu hanesan tuir mai ne'e:

No	Naran ONG	Fatin Monitoring
1.	Aileu Resource and Training Center	Sede Suku Manucassa


2.	Aileu Resource and Training Center	Sede Suku Namolesso
3.	Juventude Inovativu (JI)	Klínika Maternidade Fatumeta
4.	Aliansa Nasionál Controlu Tabaco – Timor-Leste	Sentru Saúde Vera Cruz no SAMES
5.	AUFD	Sentru Saúde Riamare
6.	AUFD	SENTRU SAÚDE UAILILI
7.	AUFD	SENTRU SAÚDE BUCOLI
8.	Knua Haberan Comunidade (KHC)	Postu Saúde Uma Quic, Suku Uma Quic
9.	Knua Haberan Comunidade (KHC)	Postu Saúde Lugasa, Suku Uma Uain Leten
10.	Knua Haberan Comunidade (KHC)	Sentru Saúde Caraubalu, Suku Caraubalu
11.	Knua Haberan Comunidade (KHC)	Postu Saúde HP Afloicai Antigo, Suku Afloicai, Aldeia Buibela
12.	Knua Haberan Comunidade (KHC)	Postu Saúde Crarás, Suku Uma Quic
13.	Knua Haberan Comunidade (KHC)	Postu Saúde Fatudere, Suku Fatudere
14.	IMI	Sentru Saúde Letefoho
15.	HDI	Sentru Saúde Railaco
16.	Fundasaun Haburas Moris	Sentru Saúde Cailaco Suku Miligu
17.	Fundasaun Haburas Moris	Postu Saúde Ritabau, Suku Ritabaou
18.	Fundasaun Haburas Moris	Sentru Saúde Balibo Villa
19.	Asosiasaun Moris Foun ( AMF)	Postu Saúde Suco Iliheu
20.	Asosiasaun Moris Foun ( AMF)	Sentru Saúde Manatuto vila
21.	Radio Komunidade Tokodede	Sentru Saúde Maubara
22.	FUNERO	Sentru Saúde Lospalos suku fuiloro
23.	A.HFTL	Centro de Saúde Iliomar
24.	Centro Comunidade Covalima	Klínika Suai villa suku Debos

## 2. Analiza no Deskobremetu

### 2.1. Analiza jerál


Husi apresentasaun dadus jerál kada fatin vasinasaun hatudu katak sentru saúde Uailili mak valor ki'ik liu kompara ho fatin monitorizasaun 23 sira seluk, maibé husi komentáriu sira no rekomendasaun sira husi mak rekolla husi AUFD hatudu katak partisipasaun komunidade mak laiha nune'e la konsege iha atividade vasinasaun. Iha sorin seluk monitorizasaun mak hala'o husi RKT iha Maubara no FHM iha Ritabou, hatudu iha resposta mak pozitivu mak pergunta 7 hanesan esforsu sira, atendementu, preparasaun lojistiku, apoiu lider komunidade, taxa partisipasaun, perspectiva komunidade no follow up ba monitorizasaun hotu-hotu prienxe, kuaze 100% resposta hotu-hotu di'ak.

**Gráfiku 1: Valor Médiu kada Fatin Vasinasaun**



Husi kritériu jerál monitorizasaun nian husi fatin vasinasaun 24, hatudu progresu di'ak iha pergunta 2 kona-ba apoiu husi lider komunitária no pergunta 4 kona-ba prosesu atendentu pesoál saúde iha facilidade saúde sira, pergunta ne'ebé sei preziza fó atensaun barak liu iha futuru mak kona-ba pergunta 6 kona-ba perspetiva comunidade no pergunta número 7 kona-ba oinsá follow up ba rekomendasaun husi monitorizasaun liu ba.


**Gráfiuku 2: Persentajen ba Kritériu Jerál Monitorizasaun nian**




## 2.2. Partisipasaun Jerál

Iha periodu semanal loron 6-9, Setembru, iha partisipasaun mak aas tebes, husi fatin monitorizasaun 24 mak ekipa halo monitorizasaun deskobre membru comunidade hamutuk 4,546 mak participa iha vasinasaun. Rezultadu monitorizasaun ba fatin vasina iha munisipiu 10 hatudu taxa partisipasaun bot liu iha munisipiu Viqueque prienxe 52%, tuir fali mak hanesan Dili, Liquiçá, Lautem Covalima, Aileu enkuantu iha munisipiu seluk iha semana ne taxa partisipasaun ki'ik liu kompara ho semana kotuk nian. Númeru comunidade ba simu vasina Doze Daruak barak liu, ida ne'e akontese iha munisipiu Aileu, Dili, Liquiçá, Covalima, Lautem, kompara ho sira ne'ebé ba simu vasina Doze Dahuluk maibé iha munisipiu Viqueque doze 1 ne'e sa'e maka'as liu.

**Gráfiku 3: Total Taxa Partisipasaun Komunitade Simu Vasina Tuir Munisipiu**



**Gráfiku 4: Partisipasaun Feto no ema ho Defisiénsia**



**Partisipasaun Feto no ema ho Defisiénsia**

Haree iha gráfiku partisipasaun feto no ema ho defisiénsia hatudu númeru mak laiha diferente, tantu iha vasinasaun doze primeiru no vasinasaun doze segundu. Enjerál partisipasaun feto aas liu kompara ho partisipasaun mane sira, tanba semana númeru partisipasaun barak liu mai munisipiu Viqueque, nune'e Viqueque prienxe feto 1,210 (51% feto husi total populasaun mak tuir vasina iha munisipiu

Viqueque) ou 54% husi total feto mak participa durante loron 6-9 Setembru kobre fatin monitorizasaun 24. Iha sorin seluk partisipasaun ema ho defisiénsia hamutuk na'in 16 mak participa iha munisipiu Ermera no Viqueque, ida ne'e hatudu indikasaun pozitivu maske nune'e prezisa fó atensaun nafatin liu-liu iha munisipiu sira seluk.

### 3. Konkluzaan no Rekomendasaun

Husi Rezultadu monitorizasaun ne'ebé hala'o ba sentru vasina 24 iha munisipiu 10 iha semana ne'e husi dia 6-9 Setembru 2021 hatudu katak iha progresu pozitivu tuir pergunta sira mak ekipa monitorizasaun husu, hanesan deskreve ona iha leten katak fatin vasinasaun balun ninia dezempeñu di'ak tebes, ezemplu hanesan Ritabou ho Maubara, iha sorin seluk haree husi avaliasaun jerál tuir kritériu jerál iha progresu pozitivu kona-ba apoiu husi lider komidade sira no atendementu pesoál saúde sira. Maske nune'e sei iha preokupasaun sira mak mosu husi monitorizasaun hanesan:

1. Iha Sentru Saúde Railaco, atendementu iha fatin ida ne'e la'o nafatin maibé partisipasaun komidade menus tanba ho informasaun mak espalla katak ema mak simu ona vasina doze daruak sei la livre hodi halo movimentu ba mai, pergunta hanesan mai Sentru Vera Crus.
2. Sei fatin lubuk ida inklui Sentru Saúde Cailaco, Suku Miligu mak komidade sira apresenta katak sira hakarak vasina tanba bele halo movimentu livre, kona-ba importante husi vasina ba saúde ema balun kompriende no balun fali seidauk no balun fali komidade sei trauma atu simu vasina, no iha fatin balun hanesan iha Uailili komidade la partisipa nune'e laiha atendementu.
3. Namolesso-Aileu, Ai-moruk sempre to tarde tanba limite husi atendimentu pesoál sira fahe la to atu bele ba postu saúde sira, no dala ruma komidade sira hein kleur iha facilidade saúde bele hein pesoál saúde sira. Husi Monitoring iha preokupasaun husi komidade hato'o ona ba pesoál saúde sira tanba ho informasaun ne'ebé mak espalla iha media sira, no komidade sira balu uza máskara no balu la uza, laiha Distánsia Social.
4. Iha Postu Saúde Iliheu Manatuto, Tuir ami dala lia ho xefe do Suco sira dehan povu barak mak simu ona Vasina tanba ekipa saúde sira tun direta mai iha Suco iha fulan kotuk maibé problema mak: Bee hodi fase liman, nomós laiha asesibilidade hanesan iha Vera Crus, no iha sorin seluk hanesan iha Postu Saúde Uatulari Antigu jeleira aat fó impaktu ba atendimentu servisu vasina nian nune'e mós menus ai-moruk.
5. Prosesu atendementu vasina iha sentru Vera Cruz la'o hanesan baibain, la tuir tempu, lamentasaun mós mosu iha Uma ki'ik Viqueque komidade gasta tempu barak hodi hein.

#### **Rekomendasaun sira:**

1. Maske apoiu lider komidade sira hodi promove partisipasaun komidade atu simu vasina aas ona maibé ida ne'e presiza nafatin komitmentu pesoál saúde, lider komidade sira hodi nafatin foti lideransa no kolaborasaun ba promove partisipasaun komidade, e possibilidade aproximasaun liu husi instituisaun Igreja (Fortifika rekomendasaun semana kotuk nian).
2. Iha fatin balun matéria promosaun no kampaña sira hatuur ona iha broxura, ida ne'e meius di'ak hodi halo promosaun no kampaña ba hasa'e partisipasaun komidade. Dala ruma mós presiza uza número dados total ema sira mak partisipa iha vasina primeiru no segundu, hodi atrai liu tan partisipasaun, ho nune'e bele hasa'e koñesimentu, hadook lia bosok, inklui komunikaun ba desizaun governu nian.

3. Fó atensaun jestaun tempu, atensaun ba fasilidade no lojistiku sira importante tebes, hanesan bee moos, fasilidade faseliman, jeleira ou cool box rai ai-moruk nian importante tebes atu asegura qualidade ai-moruk no hasa'e partisipasaun.
4. Asesibilidade, hanesan mensiona iha leten iha Postu Saúde Iliheu no Vera Crus, importante tebes, nune'e husi atu nafatin servisu entre sentru/postu saúde ho lider comunidade inklui servisu hamutuk ho organizaun ema ho defisiénsia hodi promove partisipasaun ema ho defisiénsia.
5. Persija halo kolaboraun ho Igreja hodi asegura taxa partisipasaun comunidade bele aumenta hodi asegura prevensaun COVID-19 neébe efetivu.